

eadem naturaliter operantem: ut undique conuinci possit pseudo ille propheta Antichristus. F. Antichristus per artes Negromanticas operabitur: ergo forte ut dicitur in speculo magni Alberti: libri tales deberent conseruari: & non destrui. Astro.

*antichrist.*

Dixit Albertus sine praeiudicio melioris sententiae proderit habere & inspexisse: cum iam tempus prope est: transcat haec: & audi Ortapanium historicum dicentem Ebreos ab habraam dictos quem ad pharetantem aegyptiorum regem migrasse: & astrologiam illi tradidisse: & honores maximos habuisse. Vide quantum antiqua & mirabilis sit haec scientia: quam honoratos & mirabiles homines a priscis regibus sacerdotibus & populis redderet: quid de sapientia Ioseph quam successione naturae sibi reliquit habraam: licet ab aegyptiis didicerit artes liberales: cum patiphares a negociatoribus uenditum habuisset. uide quanta apud pharaonem fecerit in declaratione sompniorum: quae licet nutu dei facta sint: ut littera genesis refert: praeteris aegyptiis edoctus erat: Ita ut in scientia augurandi nullus ei similis tunc haberetur propter quae aegyptum annis septem gubernasse fertur a quo Moyses edoctus recedit: cuius tanta fuit sapientia: & doctrina: ut facile omnium rerum causas cognouerit: & maxime in astronomia omnes alios superauit: cuius doctrina multa Orpheus didicit: & Numenius pythagoricus dixit: nihil aliud esse platonem quam Moysen attica lingua loquentem: unde factum esse ait artapaus historicus: ut quali deus ab aegyptiis coleretur propter praedictionem futurorum: & propter litterarum inuentionem mercurium etiam appellatum: licet multa quae fecerat: diuino iussu exequeretur: attamen cum apud pharaonem sapientes magi & incantatores eadem fere facerent scientiis suis: ait Moyses o pharao ego non despicio scientias aegyptiorum: sed quanto diuina excellentiora sunt humanis: tanto mea omnia ista excellunt & serpenti suo praecepit: ut deuoraret omnes serpentes aegyptiorum: & deuorauit omnes: uide Iosephum Eusebium Lactantium & magistrum istoriarum scholasticarum & multo plura inuenies miranda. F. Memini uidisse Exodi capitulo septimo ecclesiastici: constitui te deum pharaonis: dixit dominus ad Moysen. nimirum ergo si tanquam deus ab aegyptiis colebatur. Astro. Non essentialiter sed nuncupatiue dixit: ut Gregorius

*aspharata.*

*Ioseph*

*Orpheus*

*artapaus*